

太上道君說解冤拔度妙經

爾時太上道君與諸聖眾在八騫林下七寶臺中羅列威儀敷陳道要怡神默坐如玉京山放山寶光明照福堂地獄見福堂之內男玄善人快樂無為逍遙自在復見諸地獄之中餓鬼窮鬼以日繼夜受種種苦惱悉無人形五體壞爛飢饉猛火渴飲銍銅足履刀山身贊鐵杖褊體流血悲號徹天是時會中有一真合名曰廣信從座而起稽首前進上白道君曰不審此輩窮鬼生有何咎而受茲苦道君曰受諸罪者在世之時不敬三光欺負神理十惡五逆不忠不仁不慈不孝毀傷物命殺害眾生福盡壽終當受斯苦是時廣信真人心生哀憫欲其濟拔幸望妙力威光許令開度伏蒙道君垂賜金言廣設法要為諸眾生演說是經名曰解冤拔罪流布於世利益存亡若有善男子善女人一心專志入靜持齋焚香行道六時轉念是經吾當隨願保佑其人使宿世冤讎乘福超度幽寬苦爽各獲超升其人廣信歡喜再拜觀縷勝因而作

頌曰

偉哉大道君 常普無量功 舟楫生死海 濟度超羅鄴 罪對不復遇 福報與冥通 用神安可測 讚之焉能窮 是時廣信真人與諸聖眾聞法將畢各各稽首歸依信受奉行

太上道君說解冤拔度妙經



太上洞玄靈寶往生救苦妙經

天尊昔遊香林園中為一切眾生宣說妙法開闡妙門爾時即有五色微妙光明從口中出其光徧照十方無極世界及無極九幽地獄之中天上地下無不光照眾中有一真人名曰法解從座而起嚴整衣冠稽首長跪上白天尊言合座諸眾前生前業積福累功萬劫一會得遇天尊宣說妙法諸徒弟子稽首叩頭五體投地殷勤請法血流滿地於是天尊施大慈悲舉手彈指念諸弟子善哉善哉可念眾生殷勤珍重此法實深非是真人不能啟請吾今所以為汝等故說此因緣諦聽諦聽護淨遵奉珍重受持晝夜恭敬勿使失儀若有眾生高心不信輕慢受持心生誹謗不生信敬心不護淨若當來世作畜生一切蠢動及及見存受生之日肩頸墮落褊體生瘡舉身爛壞烏栖露宿棄於人間百姓見者皆悉惡心父母妻兒肝腸斷絕如此之輩受苦之人痛當奈何並是眾生緣身自造非

是他俱各各自思審而奉行法解曰不審此等罪人前生何劫受罪之根緣對何因惟願天尊由垂慈澤喻以罪根

天尊答曰此等罪人前生各有因緣劫劫代代立福造怨種種相生悉由身造十方大聖終不悞人吾今欲告汝等各自諦聽聞我說是三塗五苦之經汝等弟子一切男女一念之中發心精進七日七夜菜食長齋月當十直一日之中十二時節燒香行道請諸道師建立道場然四十九燈懸諸幡蓋轉讀此經晝夜七徧七日七夜懺悔汝等諸徒弟子香火知識七祖父母過去亡人宿業罪根並得解脫若有諸人未過此經墮落地獄一聲稱揚三寶名者我即尋聲往救出離地獄即上天堂况復汝等七日七夜菜食長齋燒香然燈轉讀此經懺悔汝等一切弟子身中所有宿罪並得除滅若不懺悔罪難可除汝等弟子審諦聽之或有十方真人一切男女或為亡人或為見在又及己身或將金銀象馬車乘衣服卧具之物或捨田宅脫身上珍奇及

諸雜寶勸造經像或將布施與法師以財貨心就師請法轉讀經文及以受戒披心懺悔叩頭尊前聽師講說自懺己身千罪萬惱願得消滅

天尊曰若有真心能發善意欲造經像當時隨其多少分數即以具辦勿留在後恐失前願與身為怨萬劫口過若有施物與齋食及與法師布施之物當即分付勿留在後心不東西與人作業若當過去必入地獄受諸苦惱身為餓鬼或作畜生縱得人身聾瞶六疾貧窮下賤或作孤兒寄他養有飢寒困苦無人憐愛半夜三更思憶號哭愁惱在心未嘗有樂或作猪狗牛羊雜獸恒被生殺以報前愆眾劫說之亦難可盡吾今告汝諸徒弟子審諦修身左玄真人稽首作禮上白

臂掛雙杵脚著大絨身負鐵錐口中銜火刀針刺背劍樹撞心惡馬喙睛鐵犁舌鎔銅灌口百節大然燒鐵為丸入口喉爛錢湯煎炙銅柱逼身或上刀山骨肉糜碎或入鑪炭脂滴火然轉入寒冰傷心切骨遺卧鐵床潰爛床間變作鬼身^三毀形難見或在雪田之內分擘心腸鋒刃割身血肉如泥磴作微塵揚骨聚筋還成餓鬼牛頭舉棒獄卒擊又驅役罪人未嘗有歇輪迴億劫何日得還汝等眾生努力尅己削身勤修功德汝等弟子及諸眾等各勵本心當得解脫言語未訖左玄真人又白天尊曰未審此等衆生前生前業作何罪業行何楚毒觸何戒律衆等愚癡不自曉了唯願天尊哀愍衆等受罪之人示以所犯當使慎之勿得更造不知修建行何功德拔此罪根時諸衆等各發道心稽首天尊願聞顯說

天尊告曰卿等諸衆心欲樂聞說此三塗五苦八難之經者宜各諦聽在心此經微妙不可思議衆經之中最為第一上品之中最為

第一懺悔拔出過去亡人救難之中最為第一此經尊貴衆經中王向言三塗者地獄道一畜生道二餓鬼道三名三塗五苦者抱銅柱一履刀山二循劍樹三入鑊湯四吞火食炭五是名五苦八難者夫人生得免三惡道一既得爲人去女爲男二即得男身六情四體貌具三六情具足得生中國四得生中國更值有道國君父母五值有道之君一生樂道慈仁善心六善心既發信道長生七既信道德逢太平帝主萬劫與三寶相遇八故曰八難三災者任行大兵爲一災終年長病爲二灾行住逢大水爲三灾是名三灾五苦者一水漂溺之苦二火燒灼之苦三盜賊殺傷之苦四鬼魅著人之苦五一切毒螫觸齒痛深之苦是名五苦五濁者一見濁邪物二劫運濁日月短促三衆生濁精神不明四煩惱濁嗔恚鬪爭五命限濁短夫少亡婦兒妻子中道離別孤男孤女痛苦傷心是名五濁八行者一能身受非事不自申訴二能謀德與人三能不欲人之欲四能容物事不申理

五能遠離無道之人藏身在靜處六能一心奉國心念三寶日月燒香長齋不絕供養出家人不違仁信七能不負經戒一生在俗恒不破齋勤能灑掃靜室修燈炷火救拔一切貧窮下賤產婦老病孤弱不具足衆生所見之者皆發慈心八能一生念道不謗毀出家人心無是非口恒念誦見一切蠢動皆發慈念之心一切平等無有彼我善惡好醜與我身無異是名八行四等者一者惟慈二者惟愛三者惟善四者惟慈是名四等六塵者一耳聽宮商二眼見青黃白黑赤三鼻知香臭四身知剛柔燥濕五舌知辛酸鹹苦甘六心知善惡喜怒哀樂外來曰塵內動曰情是名六情六塵六通者耳眼鼻身舌心是名六通六根共同三毒者貪嗔一嗔恚二愚癡三是名三毒

天尊告左玄真人曰向爲一切衆生說此三塗五苦經者一切遠近皆蒙慧解並入法門左玄真人又白

天尊曰一切罪根衆生今蒙天尊說罪福報

對向於座下及諸弟子飢寒乏劣餓鬼畜生聞說此經皆悉曉然各自薰修不敢更造爲過去亡者若在地獄之中受三塗五苦八難之愆欲救亡人其法若箇最得爲先濟亡人之苦

天尊告真人曰汝等欲救亡人當捨壽之時請方覓師爲亡人宣戒懺悔即爲轉讀路上曠所請師爲亡人燒香讚嘆懺悔資亡人及以男女緣身之資迴將布施得福最深至七七日日割減造經及像齋戒然四十九燈造四十九尺繒幡懸在長竿若不可得辦即小幡七尺造靈寶及五苦之經讀誦晝夜七徧亡人七七之內定其罪名百日之中配入五道向說此經救亡人之苦此法最爲第一左玄真人又白

天尊言向者三塗五苦八難之中一切衆生既聞經已一切亡人隨願往生快樂之處可得聞否

天尊告左玄真人曰一切存亡聞我說此經者當修福德隨願往生聽吾五念爲存爲亡

誦經七徧者一切衆生及過去亡人隨願往生童子出家供養三寶法解曰今聞

天尊欲說五念之文一切衆生歡喜踊躍一心樂聞

天尊告左玄真人曰欲誦吾五念者長齋護

淨著淨潔之衣一心請師依法受行若不如此必墮落地獄無有還期努力精進護淨受持一心奉事不敢失儀

天尊告左玄真人及諸人鬼一心靜聽五念之經

一念三寶常慈愍 願得拔度出火坑

萬罪千災盡消散 跛病積速皆能行

邪魔惡鬼在獄禁 百姓男女道心生

五逆冤家並歡樂 鑊湯變作蓮花池

法界衆生口念善 過去亡人隨性生

二念見前諸衆等 努力長齋作橋梁

憶此地獄三塗苦 勤行布施盡炷香

受戒讀經珍重禮 一切過去上天堂

天尊彈指告諸衆 黑闇地獄早生光

法界衆生勤修道 一旦往生在中央

三念亡人甚可憐 一入墮中難見天

道場建立不肯施 四時八節得泥錢

地獄之中受苦惱 口中唱枉告皇天

平生不肯修功德 過去枷杻鐵杖鞭

一日之中萬生死 縱作六畜經數年

飢寒脊破不能語 年過一二穿鼻牽

慈孝男女爲作福 五逆男女斷因緣

飽食酒肉覓生業 未爲亡人捨一錢

一旦生時多作福 亡去往生三寶前

四念衆生無善心 謗毀三寶自沈淪

雖入道場不正意 稱揚說道出家人

鋼柱鐵床違抱肘 劍樹刀山來逼身

苦痛尋師覓不得 牛頭獄卒強來親

鐵叉叉著鑊湯裏 碓搗磨作微塵

種種苦惱常經歷 直爲毀謗出家人

出家未必入地獄 一切衆生慢道心

告語蒼生諸衆等 努力堅持好道心

一切衆生迴正念 隨願往生在香林

五念同學早出家 愚癡重障生慧芽

地獄翻作天堂樂 鐵牀鋼柱出蓮花

一切衆生受快樂 三五相伴升雲霞

六時恒聞鐘磬響 唯願子孫常出家

身披法服化諸衆 口誦靈寶斷魔邪

七祖父母天堂上 過去往生侍香華

天尊告左玄真人曰向者說此五念爲諸衆

生顯說此經猶恐未解卿等十方諸真人等

方便重說珍重殷勤若有衆生心中悟解一

心正念護淨受持善行讀誦此經者及爲存

亡速行疾病一切舉心回向彼此滅罪萬劫

夢想之中常見三寶逢善知識在處受生恒

值快樂若能長齋受戒晝夜六時燒香禮拜

心無暫忘在生過去身懷經戒童子出家供

養三寶若能建立靜室抄寫受持裝潢輪軸

宣布未聞者皆令聞見如此福德最爲無量

左玄真人稽首作禮上白

天尊曰一切衆生癡盲耽著貪嗔真慧心未

回向或心回向乃將駿馬百疋寶車千乘及

諸卧具而將布施心乃糜糠糠叫不審得福

如何

天尊慈愍重爲說之時諸衆等叩頭正念一

心奉行

天尊告左玄真人曰一切眾生心中不信不貴三寶經像齋戒但看俗眾生日有貧窮下賤聾盲六疾失於相好不及人次若有眾生身欲布施心中不生信敬不貴三寶如此等輩必獲此報譬如鏡中照人清白隨其本身更無雜見黑即見黑白即見白隨其本根罪一如此汝若不信有地獄見在地獄在人身中無勞遠覓十方諸眾稽首作禮一心歸向願得見聞

天尊告諸眾等我過去後若有一切眾生得吾此經受行讀誦堅持護淨及為諸人方便顯說若有眾生心中不信故汙不淨當來受罪還為六畜若有眾生能捨資財及諸寶物卧具之輩以將布施來入經像及以齋食贖生當來獲福定得生天恒居貴門劫劫代代與善因緣滅罪萬劫拔度升仙
十六
 天尊告曰汝等眾生諦聽吾說五種捨施之功念念之中不離其心
 第一者若有眾生能自發心捨施勸助人施

與法師營造經像一錢以上皆與四十萬倍報一萬以上報不可勝萬劫之中常見快樂教化一切恒為人師

第二者若有眾生布施勸助持寫經書及靜堂旛花燈燭一錢以上皆與四十萬倍報一

萬以上報不可勝過去生中國聰明智慧清淨具足常見三寶永無煩惱快樂無為

第三者若有眾生忽發大慈之心勸助一人布施貧窮下賤孤弱老病餓姪孀婦飢寒速行寄客眾等一錢以上皆與二十五萬

倍報一萬以上報不可勝願在處托生恒得富貴衣食自然

第四者若有眾生為過去及見存父母忽發洪願勸助一切眾生布施眾中法師童子清信男子女人一錢以上者二十萬倍報一萬

以上報不可勝方便勸助令得迴心一生受報願得出家久覩長生恒演經教勸生善心

第五者若有一切眾生能生善心憐念一切勸助布施教化屠兒休殺迴心贖生口恒念道奉戒而行及獄囚產難飢寒一切蠢動五

逆不孝反生惡心鉗口合舌迴稱三寶永斷酒肉憐念聾盲百姓男女皆似我生布施一錢以上一十八萬倍報一萬以上報不可勝過去受生恒在三寶前

天尊重告諸弟子等我說勸助布施其中有

人施一之功見萬之報布施雖多將罪對福福乃至有餘然可報之萬倍其福雖多補罪

不足福無一斤計功補過罪福始知告諸男女勿更造罪福乃長為以此因緣名為萬倍

一切眾等慎之慎之時諸眾等稱善稽首各禮天尊珍重而退天尊慈悲重說頌曰

一切諸法本 清淨常湛然 報對從心起 苦樂非外緣 地獄與天堂 分明在眼前 未來甚冥昧 審諦熟精研 念爾一生中 顛倒相引牽 心不能明了 結縛自紫纏

冥冥何見曉 悠悠如逝川 儵歎紅顏滅 揮霍入黃泉 善惡無二法 是非同一源 見者生分別 良由心識昏 稱意天仙戶 違心地獄門 深思自了悟 乃成無上尊 哀哉迷惑子 正道不知存 朽索馭六馬

哀哉迷惑子 正道不知存 朽索馭六馬

常恐有驚奔 攀緣念念起 為過在心 倅
遺形忘善惡 塞兌閉諸根 生死是對報
諒自因爾身 若然辯存歿 寂滅即歸真
出生乃差別 入死甚平均 地水火風散
隨處自相親 天地為大治 無意在人人
計校受生理 非果亦非因 攝心修內行
悟道不盈旬 馳心向外境 幽昧無涯津
凡諸功德藏 以讚嘆為首 方便接迷津
慈悲能善誘 積善為福田 積惡成殃咎
假名本自無 權變何常有 顛倒不覺悟
昏迷來日久 怖畏於地獄 煎懸生受苦
吾開定水源 洗除習塵垢 身心既清淨
永劫無灰朽 昔聞持戒者 忍辱生端正
今得見天尊 非言所歌詠 八十一好明
七十二相淨 玉潤金剛身 永劫無衰盛
丹唇如欲開 皓齒因斯映 音聲自柔軟
慈悲出本性 慧源猶橐籥 定心如水鏡
此由持戒來 證果為大聖

太上洞玄靈寶往生救苦妙經

三經同卷

- 太上洞玄靈寶救苦妙經
- 太上洞玄靈寶天尊說濟苦經
- 太上洞玄靈寶淨供妙經

眼四

太上洞玄靈寶救苦妙經

爾時救苦天尊徧滿十方界常以威神力救
拔諸眾生得離於迷途眾生不知覺如盲見
日月我本太無中拔領無邊際慶雲開生門
祥煙塞死尸初發玄元始以統祥感救一
切罪度一切厄渺渺超仙源蕩蕩自然清昔
承大道力以伏諸魔精空中何灼灼名曰泥
九仙紫雲覆黃老名三寶君還將上天氣
以制九天竟救苦諸妙神善見救苦時天上
混無分天氣歸一身皆成自然人自然有別
體本在空洞中空洞跡非跡徧體皆虛空第
一委氣立第二順氣生第三成萬法第四主
光明天上三十六地下三十六太玄無邊際
妙哉大洞經歸命太上尊能消一切罪
東方玉寶皇上天尊 南方玄真萬福天尊

西方太妙至極天尊 北方玄上王宸天尊

東方度仙上聖天尊 東南方好生度命天尊

西南方太靈虛皇天尊 西北方無量太華天尊

上方玉虛明皇天尊 下方真皇洞神天尊

道言十方諸天尊其數如沙塵化形十方界

晉濟度天人委氣與功德同聲救罪免罪鬼

實可哀我今說妙經念誦無休息歸身不暫

停天堂享大福地獄無苦聲火翳成清暑劍

樹化為鸞上登朱陵府下入開光門超度三

界難徑上元始天於是飛天神王無執數眾

瞻仰尊顏而作頌曰

天尊說經教 引接於浮生 勤修學無為

悟真道自成 不迷亦不荒 無我亦無名

朗詠罪福句 萬徧心垢清

爾時飛天神王及諸仙眾說是頌畢稽首

天尊奉辭而退

太上洞玄靈寶救苦妙經

宣和甲辰秋池州城下景德禪院有僧童
莫道祖偶緣母親傾逝追慕不已日誦本
教經薦擢用酬罔極之恩至秋末有太平